

第二九四册

明倫彙編

官常典

將帥部

(卷)
四〇—四九

古今圖書集成

中華書局影印

第二十六卷

目錄

卷二十六

古今圖書集成

卷二十六

欽定古今圖書集成明倫彙編官常典
第四百八十卷目錄

將帥部名臣列傳三十八

北齊二

斛律金

可朱渾元

庫狄干

潘樂

薛孤延

張亮

庫狄迴洛

斛律光

斛律羨

投韶

徐遠

張保洛

暴顯

綦連猛

皮景和

鮮于世榮

王峻

傅伏

莫多婁敬顯

官常典第四百八十卷

將帥部名臣列傳三十八

北齊二

斛律金

按北齊書本傳金字阿六敦朔州勅勒部人也高祖倍俟利以壯勇有名塞表道武時率戶內附賜爵孟都公祖瞻地斤殿中尚書父那瓌光祿大夫第一領民酋長天平中金貴贈司空金性敦直善騎射行兵用匈奴法望塵識馬步多少嗅地知軍度遠近初爲

軍主與懷朔鎮將楊鈞送茹茹主阿那瓌還北瓌見金射獵深歎其工後瓌入寇高陸金拒擊破之正光末破六韓拔陵攝逆金擁衆屬焉陵假金王號金度陵終敗滅乃統所部萬戶詣雲州請降即授第二領民酋長稍引南出黃瓜堆爲杜洛周所破部衆分散金與兄平二人脫身歸爾朱榮榮表金爲別將累遷都督孝莊立賜爵阜城縣男加寧朔將軍屯騎校尉從破葛榮元顥頗有戰功加鎮南大將軍及爾朱兆等逆亂高祖密懷匡復之計金與婁昭庫狄干等贊成大謀仍從舉義高祖南攻鄴留金守信都領恆雲燕朔顯六州大都督委以後事別討李修破之加右光祿大夫會高祖於鄴仍從平晉陽追滅爾朱兆太昌初以金爲汾州刺史當州大都督進爵爲侯從高祖被紇豆陵於河西天平初遷鄴使金領步騎三萬鎮風陵以備西寇軍罷還晉陽從高祖戰於沙苑不利班師因此東雍諸城復爲西軍所據遣金與尉景庫狄干等討復之元象中周文帝復大舉向河陽高祖率衆討之使金徑往太原爲犄角之勢金到晉州以軍退不行仍與行臺薛孤義共圍喬山之寇俄而高祖至仍共討平之因從高祖攻下南絳邵郡等數城武定初北豫州刺史高仲密據城西叛周文帝入寇洛陽高祖使金統劉豐大汗步薩等步騎數萬守河陽城以拒之高祖到仍從破密軍還除大司馬改封石城郡公邑一千戶轉第一領民酋長三年高祖出軍襲山胡分爲二道以金爲南道軍司由黃檣嶺出高祖自出北道度赤嶺嶺會金於烏突合擊破之軍還出爲冀州刺史四年詔金率衆從烏蘇道會

高祖於晉州仍從攻玉壁軍還高祖使金總督大衆從歸晉陽世宗嗣事侯景據潁川降於西魏詔遣金帥潘樂薛孤延等固守河陽以備西魏使其大都督李景和若干寶領馬步數萬欲從新城赴援侯景金率衆停廣武以要之景和等聞而退走還爲肆州刺史仍率所部於宜陽築楊志百家呼延三戍置守備而還侯景之走南豫西魏儀同三司王思政入據潁川世宗遣高岳慕容紹宗劉豐等率衆圍之復詔金督彭樂可朱渾道元等出屯河陽斷其奔救之路又詔金率衆會攻潁川事平復使金率衆從硤坂送米宜陽西魏九曲戍戍將馬紹隆據險要關金破之以功別封安平縣男顯祖受禪封咸陽郡王刺史如故其年冬朝晉陽宮金病帝幸其宅臨視賜以醫藥中使不絕病愈還州三年就除太師帝征奚賊金從帝行軍還帝幸肆州與金宴射而去四年解州以太師還晉陽車駕復幸其第六宮及諸王盡從置酒作樂極夜方罷帝忻甚詔金第二子豐樂爲武衛大將軍因謂金曰公元勳佐命父子忠誠朕當結以婚姻未爲蕃衛仍詔金孫武都尚義寧公主成禮之日帝從皇太后幸金宅皇后太子及諸王等皆從其見親待如此後以茹茹爲突厥所破種落分散慮其犯塞驚擾邊民乃詔金率騎二萬屯白道以備之而鹵帥豆婁吐久備將三千餘戶密欲西過候騎還告金勒所部追擊盡俘其衆茹茹但鉢將舉國西徙金獲其候騎送之并表陳國可擊取之勢顯祖於是率衆與金共討之於吐賴獲二萬餘戶而還進位右丞相食齊州幹遷左丞相肅宗踐阼納其孫女爲皇太子妃又詔

全朝見聽步挽車至階世祖登極禮遇彌重又納其孫女爲太子妃金長子光大將軍次子羨及孫武都並開府儀同三司出鎮方岳其餘子孫皆封侯貴達一門一皇后二太子妃三公主尊寵之盛當時莫比金嘗謂光曰我雖不讀書聞古來外戚梁冀等無不傾滅女若有寵諸貴人妒女若無寵天子嫌之我家直以立勳抱忠致富貴豈可藉女也辭不獲免常以爲憂天統二年薨年八十世祖舉哀西堂後主又舉哀於晉陽宮賜假黃鉞使持節都督朔定冀并瀛青齊滄幽肆汾十二州諸軍事相國太尉公錄尚書朔州刺史酋長王如故贈錢百萬諡曰武子光嗣

可朱渾元

按北齊書本傳元字通元自云遼東人世爲渠帥魏時擁衆內附會祖護野肱終於懷朔鎮將遂家焉元寬仁有武略少與高祖相知北邊擾亂遂將家屬赴定州值鮮于修禮作亂元擁衆屬焉葛榮併修禮復以元爲梁王遂奔爾朱榮以爲別將隸天光征關中以功爲渭州刺史侯莫陳悅之殺賀拔岳也周文帝率岳所部還共圖悅元時助悅悅走元收其衆入據秦州爲周攻圍苦戰結盟而罷元既早被高祖知遇兼其母兄在東嘗有思歸之志恆遣表疏與高祖陰相往來周文忌元智勇元懷武發兵攻之元乃率所部發自渭州西北渡烏蘭津周文頻遣兵邀之元戰必摧之引軍歷河源二州境乃得東出靈州刺史曹湜女婿劉豐與元深相交結元因說豐以高祖英武非常克成大業豐自此便有委質之心遂資遣元元從靈州東北入雲州高祖聞其來也遣平陽守高嵩

持金環一枚以賜元并運資糧遠遣候接元至晉陽引見執手賜帛千疋并奴婢田宅兄弟四人先在并州者進官爵元所部督將皆賞以爵邑封元縣公除車騎大將軍討西魏儀同金祚皇甫智達於東雍擒之遷并州刺史又與諸將征伐頻有剋捷降下天保初封扶風郡王頻從顯祖討山胡茹茹累有戰功遷太師薨贈假黃鉞太宰錄尚書元善於御衆行軍用兵務在持重前後出征未嘗負敗及卒朝廷深悼之皇建初配享世宗廟庭

庫狄干

按北齊書本傳干善無人也曾祖越豆眷魏道武帝以功割善無之西臘汗山地方百里以處之後率部落北遷因家朔方干梗直少言有武藝魏正光初除掃逆黨授將軍宿衛於內以家在寒鄉不宜毒暑冬得入京師夏歸鄉里孝昌元年北邊擾亂奔雲中爲刺史費穆送於爾朱榮以軍主隨榮入洛後從神武起兵破四胡於韓陵討廣平縣公尋進郡公河陰之役諸將大捷唯干兵退神武以其舊功竟不責黜尋轉太保太傅及高仲密以武牢叛神武討之以干爲大都督前驅干上道不過家見侯景不遑食景使騎追饋之時文帝自將兵至洛陽軍容甚盛諸將未欲南度干決計濟河神武大兵繼至遂大破之還爲定州刺史不閑吏事事多煩擾然清約自居不爲吏人所患遷太師天保初以干元勳佐命封章武郡王轉太宰干尚神武妹樂陵長公主以親地見待自預勤王常總大衆威望之重爲諸將所伏而爲性嚴猛會詣京師魏譙王元孝友於公門言戲過度諸公無能

面折者干正色責之孝友大慚時人稱善薨贈假黃鉞太宰給輜輶車諡曰景烈干不知書署名爲干字逆上畫之時人謂之穿錐又有武將王周者署名先爲吉而後成其外二人至于孫始並知書干皇建初配享神武廟庭

潘樂

按北齊書本傳樂字相貴廣寧石門人也本廣宗大族魏世分鎮北邊因家焉父未有技藝樂襲廣宗男樂初生有一雀止其母左肩占者咸言富貴之徵因名相貴後始爲字及長寬厚有瞻略初歸葛榮授京兆王時年十九榮敗隨爾朱榮爲別將討元顯以功封敷城縣男齊神武出牧晉州引樂爲鎮城都將從破爾朱兆於廣阿進爵廣宗縣伯累以軍功拜東雍州刺史神武嘗議欲廢州樂以東雍地帶山河境連胡蜀形勝之會不可棄也遂如故後破周師於河陰議欲追之令追者在西不願者東惟樂與劉豐居西神武善之以衆議不同而止改封金門郡公文宣嗣事鎮河陽破西將楊擢等時帝以懷州刺史平監等所築城深入敵境欲棄之樂以軹關要害必須防固乃更修理增置兵將而還鎮河陽拜司空齊受禪樂進璽綬進封河東郡王遷司徒周文東至峭陘遣其行臺侯莫陳崇自齊子嶺起軹關儀同楊樹從鼓鐘道出建州陷孤公成詔樂總大衆禦之樂晝夜兼行至長子遣儀同韓永興從建州西趣崇宗遂遁又爲南道大都督討侯景樂發石龍南度百餘里至梁涇州涇州舊在石梁侯景改爲懷州樂復其地仍立涇州又克安州除瀛州刺史仍略淮漢天保六年薨於

懸孤贈假黃鉞太師大司馬尚書令

薛孤延

按北齊書本傳延代人也少驍果有武力韓樓之反延隨衆屠焉後與王懷等密計討樓爲樓尉帥乙弗醜所覺力戰破醜遂相率歸行臺劉貴表爲都督加征南將軍賜爵永固縣侯後諫高祖爲都督仍從起義破爾朱兆於廣阿因從平鄴以功進爵爲公轉大都督從破四胡於韓陵加金紫光祿大夫從追爾朱兆於赤嶺除第一領民酋長孝靜立拜顯州刺史累加車騎將軍天平四年從高祖西伐至蒲津寶泰於河南失利高祖班師延殿後且戰且行一日斫折刀十五口還轉梁州刺史從征玉壁又轉恆州刺史從破周文帝於邙山進爵爲縣公邑一千戶高祖嘗閱馬於北牧道逢暴雨大雷震地前有浮圖一所高祖令延視之延乃馳馬按稍直前未至三十步雷火燒面延喝殺繞浮圖走火遂滅延還眉贊及馬鬚尾俱焦高祖嘆曰薛孤延乃能與霹靂鬪其勇決如此又頻從高祖討破山胡西攻玉壁入爲左衛將軍改封平秦郡公爲左廂大都督與諸軍將討頴州延專監造土山以酒醉爲敵所襲據頴州平諸將還京師譙於華林園世宗啓魏帝坐延於階下以辱之後兼領軍將軍出爲滄州刺史別封溫縣男邑三百戶齊受禪別賜爵都昌縣公性好酒率多昏醉而以勇決善戰每大軍征討常爲前鋒故與彭劉韓潘同列天保二年爲太子太保轉太子太傅八年除肆州刺史加開府儀同三司食洛陽郡幹尋改食河間郡幹

張亮

按北齊書本傳亮字伯德西河隰城人也少有幹用初事爾朱兆拜平遠將軍以功封隰城縣伯邑五百戶高祖討兆於晉陽兆奔秀容兆左右皆密通誠款唯亮獨無啓疏及兆敗竄於窮山令亮及倉頭陳山隄斬己首以降皆不忍兆乃自縊於樹伯德伏屍而哭高祖嘉歎之授丞相府參軍事漸見親待委以書記之任天平中爲世宗行臺郎中典七兵事雖爲臺郎而常在高祖左右遷行臺右丞高仲密之叛也與大司徒斛律金守河陽周文帝於上流放火船燒河

橋亮乃備小艇百餘艘皆載長鑠鑠頭施釘火船將至即馳小艇以釘釘之引線向岸火船不得及橋橋之獲全亮之計也武定初拜大中大大夫薛琚嘗亮於山上持絲以告亮且占之曰山上絲幽字也君其爲幽州乎數月亮出爲幽州刺史屬侯景叛除平南將軍梁州刺史尋加都督揚潁等十一州諸軍事兼行臺殷中尚書轉都督二豫揚潁等八州軍事征西大將軍豫州刺史尚書右僕射西南道行臺攻梁江夏潁陽等七城皆下之亮性質直勤力強濟深爲高祖世宗所信委以腹心之任然少風格好財利久在左右不能廉潔及歷諸州咸有贖貨之聞武定末徵拜侍中汾州大中正天保初授光祿勳加驃騎大將軍儀同三司別封安定縣男轉中領軍尋卒於位贈司空公

庫狄迴洛

按北齊書本傳迴洛代人也少有武力儀貌魁偉初事爾朱榮爲統軍預立莊帝轉爲別將賜爵母極伯從破葛榮轉都督榮死諫爾朱兆高祖舉兵信都迴

洛擁衆歸義從破四胡於韓陵以軍功補都督加後將軍大中大夫封順陽縣子邑四百戶遷右府都督從征山胡先鋒斬級除朔州刺史破周文於河陽轉授夏州刺史邙山之役力戰有功增邑通前七百戶世宗嗣事從平頴川天保初除建州刺史肅宗即位封順陽郡王大寧初轉朔州刺史食博陵郡幹轉太子太師遇疾卒贈使持節都督定瀋恆朔雲五州軍事大將軍太尉公定州刺史贈物一千段

斛律光

按北齊書斛律金傳金子光字明月少工騎射以武藝知名魏末從金西征周文帝長史莫孝暉時在行間光馳馬射中之因擒於陣光時年十七高祖嘉之即擢爲都督世祖爲世子引爲親信都督稍遷征西將軍累加衛將軍武定五年封末樂縣子嘗從世宗於涇橋校獵見一大鳥雲表飛颺光引弓射之正中其頸此鳥形如車輪旋轉而下至地乃大鵬也世宗取而觀之深壯異焉丞相屬邢子高見而歎曰此射鵬手也當時傳號落鵬都督尋兼左衛將軍進爵爲伯齊受禪加開府儀同三司別封西安縣子天保三年從征出塞光先驅破敵多斬首百餘獲雜畜還除晉州刺史東有周天柱新安牛頭三戍招引亡叛屢爲寇竊七年光率步騎五千襲破之又大破周儀同王敬儒等獲口五百餘人雜畜千餘頭而還九年又率衆取周絳川白馬渰文翼城等四戍除朔州刺史十年除特進開府儀同三司二月率騎一萬討周開府曹迴公斬之柏谷城主儀同薛禹生棄城奔遁遂取文侯鎮立戍置柵而還乾明元年除并州刺史皇

建元年進爵鉅鹿郡時樂陵王百年爲皇太子肅宗以光世載醇謹兼著勳王室納其長女爲太子妃大寧元年除尚書左僕射食中山郡幹二年除太子太保河清二年四月光率步騎二萬築勳掌城於軹關西仍築長城二百里置十三戍三年正月周遣將達奚成興等來寇平陽詔光率步騎三萬禦之典等聞而退走光逐北遂入其境獲二千餘口而還其年三月遷司徒四月率騎北討突厥獲馬千餘匹是年冬周文帝遣其柱國大司馬尉遲迥齊國公宇文憲柱國肅國公可叱雄等衆稱十萬寇洛陽光率騎五萬馳往赴擊戰於邙山迥等大敗光親射雄殺之斬捕首齒三千餘級迥憲僅而獲免盡收其甲兵輜重仍以死者積爲京觀世祖幸洛陽策勳班賞遷太尉又封冠軍縣公先是世祖命納光第二女爲太子妃天統元年拜爲皇后其年光轉大將軍三年六月父喪去官其月詔起光及其弟羨並復前任秋除太保襲爵咸陽王并襲第一領民酋長別封武德郡公徙食趙州幹遷太傅十二月周遣將圍洛陽壅絕糧道武平元年正月詔光率步騎三萬討之軍次定龍周將張掖公宇文榮中州刺史梁士彥開府司水大夫梁景興等又屯鹿盧交道光擐甲執銳身先士卒鋒刃纔交衆衆潰斬首二千餘級直到宜陽與周齊國公宇文憲申國公瑜跋顯敬相對十旬光置築統關豐化二城以通宜陽之路軍還行次安鄴憲等衆號五萬仍躡軍後光縱騎擊之憲衆大潰擄其開府宇文英都督越勤世良韓延等又斬首三百餘級憲仍令榮及其大將軍中部公梁洛都與景興士彥等步

騎三萬於鹿盧交塞斷要路光與韓貴孫呼延族王顯等合擊大破之斬景興獲馬千匹詔加右丞相并州刺史其冬光又率步騎五萬於玉壁築華谷龍門二城與憲顯敬等相持憲等不敢動光乃進圍定陽仍築南汾城置州以逼之夷夏萬餘戶並來內附二年率衆築平隴衛壁統戎等鎮戍十有三所周柱國袍罕公普屯威柱國韋孝寬等步騎萬餘來逼平隴與光戰於汾水之北光大破之俘斬千計又封中山郡公增邑一千戶軍還詔復令率步騎五萬出平陽道攻姚襄白亭城戍皆克之獲其城主儀同大都督等九人捕擄數千人又別封長樂郡公是月周遣其柱國紇干廣略圍宜陽光率步騎五萬赴之大戰於城下乃取周建安等四戍捕擄千餘人而還軍未至鄴勅令便放兵散光以爲軍人多有勳功未得慰勞若即便散恩澤不施乃密通表請使宣旨軍仍且進朝廷發使遲留軍還將至紫陌光仍駐營待使帝聞光軍營已逼心甚惡之急令舍人追光入見然後宣勞散兵拜光左丞相又別封清河郡公光入常在朝堂垂簾而坐祖庭不知乘馬過其前光怒謂人曰此人乃敢爾後庭在內省言聲高慢光適過聞之又怒庭知光忿已略光從奴而問之曰相王瞋孝徵耶曰自公用事相王每夜抱膝歎曰盲人入國必破矣穆提婆求娶光庶女不許帝賜提婆晉陽之田光言於朝曰此田神武帝以來常種禾飼馬數千匹以擬寇難今賜提婆無乃闕軍務也由是祖穆積怨周將軍韋孝寬忌光英勇乃作謠言令問諜漏其文於鄴曰百升飛上天明月照長安又曰高山不推自崩樹樹

不扶自豎祖庭因續之曰盲眼老公背上下大斧饒舌老母不得語令小兒歌之於路提婆聞之以告其母令萱萱以饒舌斥已也盲老公謂庭也遂相與協謀以謠言啓帝曰斛律累世大將明月聲震關西豐樂威行突厥女爲皇后男尚公主謠言甚可畏也帝問韓長鸞鸞以爲不可事寢祖庭又見帝請問唯何洪珍在側帝曰前得公啓即欲施行長鸞以爲無此理庭未對洪珍進曰若本無意則可既有此意而不決行萬一泄露如何帝曰洪珍言是也猶豫未決會丞相府佐封士讓密啓云光前西討還勅令放兵散光令軍逼帝京將行不軌事不果而止家藏弩甲如僮千數每遣使豐樂武都處陰謀往來若不早圖恐事不可測啓云軍逼帝京會帝前所疑意謂何洪珍云人心亦大聖我前疑其欲反果然帝性至性懷恐即變發令洪珍馳召祖庭告之又恐追光不從命庭因云正爾名之恐疑不肯入宜遣使賜其一駿馬語云明日將往東山遊觀王可乘此馬同行光必來奉謝因引入執之帝如其言頃之光至引入涼風堂劉桃枝自後拉而殺之時年五十八於是下詔稱光謀反今已伏法其餘家口並不須問尋而發詔盡滅其族光性少言剛急嚴於御下治兵督衆惟仗威刑版築之役鞭撻人士頗稱其暴自結髮從戎未嘗失律深爲鄰敵所懼憚罪既不彰一旦屠滅朝野痛惜之周武帝聞光死大喜救其境內後入鄴追贈上柱國公指詔書曰此人若在朕豈能至鄴光四子鍾襲斛律羨按北齊書斛律金傳金次子羨字豐樂少有機警尤

善射藝高祖見而稱之世宗推爲開府參軍事遷征
幽將軍中散大夫加安西將軍進封大夏縣子除通
州刺史顯祖受禪進號征西別封顯親縣伯河清二
年轉使持節都督幽安平南北營東燕六州諸軍事
幽州刺史其年秋突厥衆十餘萬來寇州境義總率
諸將禦之突厥望見軍威甚整遂不敢戰即遣使求
款慮其有詐且諭之曰爾輩此行本非朝貢見機始
變未是宿心若有實誠宜速歸巢穴別遣使來於是
退走天統元年夏五月突厥木汗遣使請朝獻羨始
以聞自是朝貢歲時不絕羨有力焉詔加行臺僕射
羨以北突厥犯邊須備不虞自庫堆戍東拒於海隨
山屈曲二千餘里其間二百里中凡有險要或斬山
築城或斷谷起障並置立戍邏五十餘所又導高梁
水北合易京東會於路因以灌田邊儲歲積轉漕用
省公私獲利焉其年六月丁父憂去官與兄光並被
起復任還鎮燕薊三年加位特進四年遷行臺尚書
令別封高城縣侯武平元年加驃騎大將軍時光子
武都爲兗州刺史羨歷事數帝以謹直見推雖極榮
寵不自矜尚至是以合門貴盛深以爲憂乃上書推
讓乞解所職優詔不許其年秋進爵荊山郡王三年
七月光誅勅使中領軍賀拔伏恩等十餘人驛捕之
遣領軍大將軍鮮于桃枝洛州行臺僕射獨孤永業
便發定州騎卒續進仍以末業代羨伏恩等既至門
者白使人衷甲馬汗宜開城門羨曰勅使豈可疑拒
出見之伏恩把手遂執之死於長史廳事臨終歎曰
富貴如此女爲皇后公主滿家常使三百兵何得不
敗及其五子世達世遷世辨世僉伏護餘年十五已

下者有之羨未誅前忽令其在州諸子自伏護以下
五六人鎖頸乘驢出城合家皆泣送之至門日晚而
歸吏民莫不驚異行燕郡守馬嗣明醫術之士爲羨
所欽愛乃竊問之答曰須有禳厭數日而有此變羨
及光並少工騎射其父母曰令其出畋還即較所獲
禽獸光所獲或少必麗龜達腹羨雖獲多非要害之
所光常蒙賞羨或被捶撻人問其故金答云明月必
背上著箭豐樂隨處即下手其數雖多去兄遠矣聞
者咸服其言

投部

按北齊書段榮傳榮字韶字孝先小名鐵伐少工騎
射有將領才略高祖以武明皇后姊子益器愛之常
置左右以爲心腹建義初領親信都督中興元年從
高祖拒爾朱兆戰於廣阿高祖謂韶曰彼衆我寡其
若之何韶曰所謂衆者得衆人之死彊者得天下之
心爾朱狂狡行路所見裂冠毀冕故本塞源邱山之
會稽紳何罪殺王立君不脫旬朔天下思亂十室而
九王躬昭德義除君側之惡何往而不克哉高祖曰
吾雖以順討逆奉辭伐罪但弱小在彊大之間恐無
天命卿不聞之也答曰韶聞小能敵大小道大淫皇
天無親唯德是輔爾朱外賊天下內失善人知者不
爲謀勇者不爲圖不肖失職賢者取之復何疑也遂
與兆戰兆軍潰攻劉誕於鄴及韓陵之戰韶督率所
部先鋒陷陣尋從高祖出晉陽追爾朱兆於赤嶺嶺
平之以軍功封下洛縣男又從襲取夏州擒斛律彌
娥突加龍驤將軍諫議大夫累遷武衛將軍後迴賜
父榮姑臧縣侯其下洛縣男啓讓繼母弟寧安典和

四年從高祖禦周文帝於邙山高祖身在行間爲西
魏將賀拔勝所識率銳來逼韶從傍馳馬引弓反射
一箭斃其前驅追騎憚莫敢前者西軍退賜馬并
金進爵爲公武定四年從征玉壁時高祖不豫攻城
未下召集諸將共論進止之宜謂大司馬斛律金司
徒韓軌左衛將軍劉豐等曰吾每與段孝先論兵殊
有英略若使比來用其謀亦可無今日之勞矣吾患
勢危篤恐或不處欲委孝先以鄴下之事如何金等
曰知臣莫若君實無出孝先仍謂韶曰吾昔與卿父
冒涉險艱同獎王室建此大功今病疾如此始將不
濟宜善相翼佐克茲負荷即令韶從顯祖鎮鄴名世
宗赴軍高祖疾甚顧命世宗曰段孝先忠亮仁厚智
勇兼備親戚之中唯有此子軍旅大事宜共籌之五
年春高祖崩於晉陽祕不發喪俄而侯景構亂世宗
還鄴韶留守晉陽世宗還賜女樂十數人金十斤繪
帛稱是封長樂郡公世宗征潁川韶留鎮晉陽別封
眞定縣男行并州刺史顯祖受禪別封朝陵縣又封
霸城縣加位特進啓求歸朝陵公乞封繼母梁氏爲
郡君顯祖嘉之別以梁氏爲安定郡君又以霸城縣
侯讓其繼母弟孝言論者美之天保三年爲冀州刺
史六州大都督有惠政得吏民之心四年十二月梁
將東方白額潛至宿預招誘邊民殺害長吏淮泗擾
動五年二月詔徵韶討之既至會梁將嚴超達等軍
逼涇州又陳武帝率衆將攻廣陵刺史王敬實遣使
告急復有尹思令率衆萬餘人謀襲盱眙三軍咸懼
韶謂諸將曰自梁氏喪亂國無定主人懷去就彊者
從之霸先等智小謀大政令未一外託同德內有離

心諸君不足憂吾揣之熟矣乃留儀同敬顯備竟雄示等圍守宿預自將步騎數千人倍道赴涇州塗出肝貽思令不虞大軍卒至望旗奔北進與趙達合戰大破之盡獲其舟艦器械謂諸將士曰吳人輕躁本無大謀今破趙達霸先必走即迴赴廣陵陳武帝果遁去追至楊子柵望揚州城乃還大獲其軍資器物旋師宿預六月詔遣辯士喻白頽禍福白頽於是開門請盟詔與行臺辛術等議且為受盟詔度白頽終不為用因執而斬之并其諸弟等並傳首京師江淮帖然民皆安輯顯祖嘉其功詔賞吳口七十人封平原郡王清河王岳之克郢州執司徒陸法和詔亦豫行築層城於新蔡立郭默戍而還皇建元年領太子太師太寧二年除并州刺史高歸彥作亂冀州詔與東安王婁叡率眾討平之遷太傅賜女樂十人并歸彥果園一千畝仍蒞并州為政舉大綱不存小察甚得民和十二月周武帝遣將軍羌夷與突厥合眾逼晉陽世祖自鄴倍道兼行赴救突厥從北結陣而前東距汾河西被風谷時事既倉卒兵馬未整世祖見如此亦欲避之而東尋納河間王孝琬之請令趙郡王叢護諸將時大雪之後周人以步卒為前鋒從西山而下去城二里諸將咸欲逆擊之詔曰步人氣勢自有限今積雪既厚逆戰非便不如陣以待之彼勞我逸破之必矣既而交戰大破之敵前鋒盡殲無復孑遺其餘遁宵奔遁仍令詔率騎追之出塞不及而還世祖嘉其功別封懷州武德郡公進位太師周冢宰宇文護母閭氏先配中山宮護聞尚存乃因邊境移書請還其母并通鄰好時突厥屢犯邊詔軍

於塞下世祖遣黃門徐世榮乘傳齋周書問詔詔以周人反覆本無信義比晉陽之役其事可知護外託為相其實王也既為母請和不遣一介之使申其情理乃據移書即送其母恐示之弱如臣管見且外許之待通和後放之未晚不聽遂遣使以禮將送護既得母仍遣將軍尉遲迴等襲洛陽詔遣蘭陵王長恭大將軍斛律光率眾擊之軍於邙山之下逗遛未進世祖召謂曰今欲遣王赴洛陽之圍但突厥在北復須鎮禦王謂如何詔曰北寇侵邊事等疥癬今西羌窺逼便是膏肓之病請奉詔南行世祖曰朕意亦爾乃令詔督精騎一千發自晉陽五日便濟河與大將共量進止詔且將帳下二百騎與諸軍共登邙阪聊觀周軍形勢至太和谷便值周軍即遣馳告諸營追集兵馬乃與諸將結陣以待之詔為左軍蘭陵王為中軍斛律光為右軍與周人相對詔遙謂周人曰汝宇文護幸得其母不能懷恩報德今日之來竟何意也周人曰天道我來有何可問詔曰天道賞善罰惡當遣汝送死來耳周軍仍以步人在前上山逆戰詔以彼徒我騎且却且引待其力弊乃下馬擊之短兵始交周人大潰其中軍所當者亦一時瓦解投墜溪谷而死者甚眾洛城之圍亦即奔遁盡棄營幕從邙山至穀水三十里中軍資器物彌滿川澤車駕幸洛陽親勞將士於河陰置酒高會策勳命賞除大宰封靈武縣公天統三年除左丞相永昌郡公食滄州幹武平二年正月出晉州道到定隴築威敵平寇二城而還二月周師來寇遣詔與右丞相斛律光太尉蘭陵王長恭同往捍禦以三月暮行達西境有柏谷城者

乃敵之絕險石城千仞諸將莫肯攻圍詔曰汾北河東勢為國家之有若不去柏谷事同痼疾計彼援兵會在南道今斷其要路救不能來且城勢雖高其中甚狹火弩射之一旦可盡諸將稱善遂鳴鼓而攻之城潰獲儀同薛敬禮大斬獲首首仍城華公置戍而還封廣平郡公是月周又遣將寇邊右丞相斛律光先率師出討詔亦請行五月攻服秦城周人於姚襄城南更起城鎮東接定陽又作深塹斷絕行道詔乃密抽壯士從北襲之又遣人潛渡河告姚襄城中令內外相應度者十有餘人周人始覺於是合戰大破之獲其儀同若干顯寶等諸將咸欲攻其新城詔曰此城一面阻河三面地險不可攻就令得之城地耳不如更作一城壅其路破服秦併力以圖定陽計之長者將士咸以為然六月從圍定陽其城主開府儀同楊範固守不下詔登山望城勢乃縱兵急攻之七月屠其外城大斬獲首級時詔病在軍中以子城未克謂蘭陵王長恭曰此城三面重澗險阻並無走路唯恐東南一處耳賊若突圍必從此出但簡精兵專守自是成擒長恭乃令壯士千餘人設伏於東南澗口其夜果如所策賊遂出城伏兵擊之大潰範等面縛盡獲其眾詔疾甚先軍還以功別封樂郡公竟以疾薨上舉東堂贈物千段溫明祕器輜車軍校之士陣衛送至平恩墓所發卒起冢贈假黃鉞使持節都督朔并定趙冀滄齊兗梁洛晉建十二州諸軍事相國太尉錄尚書事朔州刺史諡曰忠武詔出總軍旅入參帷幄功既居高重以婚媾望傾朝野長於計略善於御眾得將士之心臨敵之日人人爭奮

又雅性溫慎有宰相之風教訓子弟閨門雍肅事後母以孝聞齊世勳貴之家罕有及者然僻於好色雖居要重微服間行有皇甫氏魏黃門郎元瑀之妻弟謹謀逆皇甫氏因沒官詔美其容質上啓固請世宗重達其意因以賜之尤奮於財雖親戚故舊略無施與其子深尚公主并省承郎在家佐事十餘日事畢辭還人唯賜一盃酒長子懿嗣

徐遠

按北齊書本傳遠字彥遐廣寧石門人也其先出自廣平曾祖定爲雲中軍將平朔戌主因家於朔遠少習史事郡辟功曹未幾與太守率戶赴義旗署防城都督除癭陶縣令高祖以遠閒習書計命爲丞相騎兵參軍事常征伐克濟軍務深爲高祖所知累歷鉅鹿陳留二郡太守天保初爲御史所劾遇赦免沉廢二年顯祖以遠勳舊將用爲領軍府長史累遷東徐州刺史入爲大中大夫河清初加衛將軍二年除使持節都督東楚州諸軍事東楚州刺史天統二年授儀同三司衛尉四年加開府右光祿大夫武平初卒遠爲治慕寬和有恩惠至東楚其年冬邑郭大火城民亡產業遠躬自赴救對之流涕仍爲經營皆得安立子世榮

張保洛

按北齊書本傳保洛代人也自云本出南陽西鄂家世好賓客尚氣俠頗爲北土所知保洛少率健善弓馬魏孝昌中北鎮擾亂保洛亦隨衆南下葛榮僭逆以保洛爲領左右榮敗仍爲爾朱榮統軍累遷揚烈將軍奉車都尉後隸高祖爲都督從討步蕃及高祖

起義保洛爲帳內從破爾朱兆於廣阿尋遷右將軍中散大夫仍以帳內從高祖圍鄴城既拔除平南將軍光祿大夫從破爾朱兆等於韓陵因隨高祖入洛加安東將軍後高祖啓滅國已分授將士保洛隨例封昌平縣薄家城鄉男一百戶魏出帝不協於高祖令儀同賈顯智率豫州刺史斛斯壽東趣濟州高祖遣大都督寶泰濟自滑臺拒顯智保洛諫泰前驅事定轉都督從高祖襲夏州尅之萬侯受洛干之降也高祖遣保洛與諸將於路接援元象初除西夏州刺史當州大都督又以前後功封安武縣伯邑四百戶轉行蔚州刺史從高祖攻周文帝於邛山圍玉壁攻龍門還留鎮晉州世宗卽位以保洛爲左廂大都督後出晉州加征西將軍王思政之援潁川攻圍未克世宗仍令保洛鎮楊志塢使與揚州爲犄角之勢潁川平尋除梁州刺史顯祖受禪仍爲刺史所在聚斂爲務民吏怨之濟南初出爲滄州刺史封數城郡王爲在州聚斂免官削奪王爵及卒贈以前官追復本封子默言嗣武平末衛將軍以帳內從高祖出山東又有麴珍投琛陳舍樂尉標乞伏貴和及弟令和王康德並以軍功至大官麴珍字舍洛西平酒泉人也壯勇善騎射以帳內從高祖晉州仍起義所在征討武定末封富平縣伯天保初食黎陽郡除晉州刺史武平初遷豫州道行臺尚書令豫州刺史卒贈太尉投琛字懷寶代人也少有武用從高祖起義信都天保中兖州刺史牒舍樂武成初開府儀同三司營州刺史封漢中郡公戰及關中尉標代人也太寧初封海昌王子相貴嗣相貴武平末晉州道行臺尚書

僕射晉州刺史爲行臺左丞侯子欽等密啓周武請師欽等爲內應周武自率衆至城下欽等夜開城門引軍入鎮相貴送長安尋卒弟相願疆幹有膽略武平末領軍大將軍自平陽至并州及到鄴每立計將殺高阿那肱廢後主立廣寧王事竟不果及廣寧被出相願拔佩刀砍柱而歎曰大事去矣知復何言貴和及令和兄弟武平末並開府儀同三司令和領軍將軍并州未敗前與領軍大將軍韓建業武衛大將軍封輔相相繼投周軍令和授柱國封西河郡公隋大業初卒於秦州總管建業輔相俱不知所從來建業授上柱國封郿國公隋開皇中卒輔相封上柱國封郡公周武平并州卽以爲朔州總管康德代人也歷數州刺史并省尚書封新蔡郡王

暴顯

按北齊書本傳顯字思祖魏郡丘丘人也祖喟魏琅邪太守朔州刺史因家邊朔父誕魏恆州刺史左衛將軍樂安公顯幼時見一沙門指之曰此郎子有好相表大必爲良將貴極人臣語終失僞莫知所去顯少經軍旅善於騎射曾從魏孝莊帝出獵一日之中手獲禽獸七十三孝昌二年除羽林監中興元年除襄威將軍晉州車騎府長史後從高祖於信都舉義授中堅將軍散騎侍郎帳內大都督加安東將軍銀青光祿大夫屯雷縣開國侯天平二年除渤海郡守元象元年除雲州大中正兼武衛將軍加鎮東將軍二年除北徐州刺史當州大都督從高祖與西師戰於邛山高祖令顯守河橋鎮據中潭城武定二年除征南將軍廣州刺史侯景反於河南爲景所攻顯率

左右二十餘騎突出賊營拔難歸國時高岳慕容紹宗等討景即配顯士馬隨岳等破景於渦陽武定六年拜太府卿從世宗平王思政於潁川授潁州刺史七年轉鄭州刺史八年加驍騎將軍進侯爲公通前食邑一千三百戶天保元年加衛大將軍刺史如故二年與清河王高岳襲歷陽取之爲賊貨解鄭州大理禁止處斷未訖爲合肥被圍遣與步汗薩慕容儼等同攻梁北徐州擒刺史王彊與梁泰州刺史嚴超達戰於涇城破之五年授儀同三司其年又與高岳南臨漢水攻下梁西楚州獲刺史許光於時梁將蕭循與侯瑱等圍慕容儼於郢州復以顯爲水軍大都督從攝口入江救之師還加開府儀同三司賞帛百五十十年食幽州范陽郡幹乾明元年除車騎大將軍皇建元年轉封樂安郡開國公二年除趙州刺史河清元年遷洛州刺史二年復除朔州刺史秩滿歸天統元年加特進驃騎大將軍封定陽王四年卒年六十六

慕容猛

按北齊書本傳猛字武兒代人也其先姬姓六國末避亂出塞保祁連山因以山爲姓北人語訛故曰慕容氏父元成燕郡太守猛少有志氣便習弓馬永安三年爾朱榮徵爲親信至洛陽榮被害即從爾朱世隆出奔建州仍從爾朱兆入洛其年又從兆討紇豆陵步藩補都督普泰元年加征西將軍中散大夫猛父母兄弟皆在山東爾朱京纒欲投高祖謂猛曰王以爾父兄皆在山東每懷不信爾若不走今夜必當殺爾可走去猛以素蒙兆恩拒而不從京纒曰我今

亦欲去爾從我不猛又不從京纒乃舉稍曰爾不從我必刺爾猛乃從之去城五十餘里即背京纒復歸爾朱及兆敗乃歸高祖高祖問曰爾朱京纒將爾投我爾中路背去何也猛乃具陳服事之理不可貳心高祖曰爾莫懼服事人法須如此遂補都督步落稽等起逆在覆釜山使猛討之大捷特被賞賚元象元年從高祖向河陽與周文帝戰於邙山二年除平東將軍中散大夫其年又轉中外府帳內都督賞邙山之功封廣興縣開國公五年梁使來聘云有武藝求訪北人欲與相角世宗遣猛就館接之雙帶兩鞭左右馳射兼共試力挽彊弓梁人引弓兩張力皆三石猛遂併取四張疊而挽之過度梁人嗟服之其年除撫軍將軍別封石城縣開國子食肆州平寇縣幹天保元年除都督東秦州刺史別封雍州京兆郡覆城縣開國男從顯祖討契丹大獲戶口又隨斛律敦北征茹茹敦令猛輕將百騎深入覘候還至白道與軍相會因此追躡遂大破之資帛三百段七年除武衛將軍儀同三司九年轉武衛大將軍乾明初加車騎大將軍皇建元年封石城郡開國伯尋進爵爲公二年除領左右大將軍從肅宗討奚賊大捷獲馬二千疋牛羊三萬頭河清二年加開府突厥侵逼晉陽勸猛將三百騎馳賊遠近行至城北十五里遇賊前鋒以敵衆多遂漸退避賊中有一驍將超出來鬪猛遙見之即亦挺身獨出與其相對俯仰之間刺賊落馬因即斬之三年別封武安縣開國公加驃騎大將軍天統元年遷右衛大將軍乃奉世祖勅恆令在嗣主左右兼知內外機要之事三年除中領軍四年轉領

軍將軍別封義寧縣開國公五年除并省尚書左僕射餘如故除并省尚書令領軍大將軍封山陽王猛自和士開死後漸預朝政疑議與奪咸亦咨稟趙彥深以猛武將之中頗疾姦佞言議時有可采故引知機事祖珽既出彥深以猛爲趙之黨與乃除光州刺史已發至牛蘭忽有人告和士開被害日猛亦知情遂被迫止還入內禁錮簿錄家口尋見釋削王爵上以開府赴州在任寬惠清慎吏民稱之淮陰王阿那肱與猛有舊每欲攜引之曾有勅徵詣關欲委寄韓長鸞等沮難復除膠州刺史尋徵還令在南兗防捍後主平陽敗還又徵赴鄴除大將軍齊亡入周尋卒

皮景和

按北齊書本傳景和琅邪下邳人也父慶賓魏淮南王開府中兵參軍事正光中因使懷朔遇世亂遂家廣寧之石門縣景和少通敏善騎射初以親信事高祖後補親信副都督武定二年征步落稽世宗疑賊有伏兵令景和將五六騎深入一谷中值賊百餘人便共格戰景和射數十人莫不應弦而倒高祖嘗令景和射一野豕一箭而獲之深見嗟賞除車重正都督天保初授假節通州刺史封永寧縣開國子後從襲庫莫奚加左右大都督又從度黃龍征契丹定稽胡尋從討茹茹主菴羅辰於陞北又從平茹茹餘燼景和趨捷有武用每有戰功十年食安樂郡幹乾明元年除武衛將軍兼給事黃門侍郎肅宗作相以本官攝大丞相府從事中郎大寧元年除儀同三司散騎常侍武衛大將軍尋加開府二年出爲梁州刺史

三年突厥圍逼晉陽令景和馳驛赴京督領後軍赴并州未到間賊已退仍除領左右大將軍食齊郡幹又除并省五兵尚書天統元年遷殿中尚書二年除侍中景和於武職之中兼長吏事又性識均平故頻有美授周通好之後冠蓋往來常令景和對接每與使人同射百發百中甚見推重武平中詔獄多令中黃門等監治恆令景和按覆據理執正由是過無枉濫後除特進中領軍封廣漢郡開國公又隨斛律光率衆西討尅姚白亭二城別封永寧郡開國公又除領軍將軍又從軍拔宜陽城封開封郡開國公琅邪王之殺和士開也兵指西關內外惶惑莫知所爲景和請後主出千秋門自號令事平除尚書右僕射趙

州刺史尋遷河南行臺尚書右僕射洛州刺史陳將吳明徹寇淮南令景和率衆拒之除領軍大將軍封文城郡王轉食高陽郡幹軍至祖口值土人陳暄等作亂景和平之又有陽平人鄭子饒詐依佛道設齋會用米麵不多供贍甚廣密從地藏漸出餅飯愚人以為神力見信於魏衛之間將爲逆亂謀泄掩討漏逸乃潛度河聚衆數千自號長樂王已破乘氏縣又欲襲西兗州城景和自南兗州遣騎數百擊破之斬首二千餘級生擒子饒送京師烹之及吳明徹圍壽陽勅令景和與賀拔伏恩等赴救景和以尉破胡軍始喪敗怯懦不敢進頓兵淮口頗有勅使催促然始度淮屬壽陽已陷狼狽北還器械軍資大致遺失陳將蕭摩訶率步騎於淮北倉陵城截之景和得整旅逆戰摩訶退歸是時拒吳明徹者多致傾覆唯景和全軍而還由是復賞除尚書令別封西河郡開國公

賜錢二十萬酒米十車時陳人聲將度淮令景和停軍西兗州爲拒守節度武平六年病卒年五十五贈侍中使持節都督定常朔幽定平六州諸軍事太尉公錄尚書事定州刺史

鮮于世榮

按北齊書本傳世榮漁陽人也父寶業懷朔鎮將武平初贈儀同三司祠部尚書朔州刺史世榮少而沈敏有器幹典和二年爲高祖親信副都督稍遷平西將軍賜寶石門縣子後頻從顯祖討茹破稽胡又從高岳平鄧州除持節河州刺史食朝歌縣幹尋爲肅宗丞相府諮議參軍建中除儀同三司武衛將軍天統二年加開府又除鄭州刺史武平中以平信州賊除領軍將軍轉食上黨郡幹從平高思好封義陽王七年後主幸晉陽令世榮以本官判尚書右僕射事貳北平王北官留後尋有勅令與吏部尚書袁聿修在尚書省檢試舉人爲乘馬至雲龍門外入省北門爲憲司舉奏免官後主圍平陽除世榮領軍將軍周師將入鄴除領軍大將軍太子太傅於城西拒戰敗被擒爲周武所殺世榮雖武人無文藝以朝危政亂每竊歎之見徵稅無厭賜與過度發言歎惜子子貞

王峻

按北齊書本傳峻字巒嵩靈丘人也明悟有幹略高祖以爲相府墨曹參軍坐事去官久之顯祖爲儀同開府引爲城局參軍累遷恆州大中正世宗相府外兵參軍隨諸軍平淮陰賜爵北平縣男除營州刺史營州地接邊城賊數爲民患峻至州遠設斥候廣置

疑兵每有賊發常出其不意要擊之賊不敢發合境獲安先是刺史陸士茂許殺室韋八百餘人因此朝貢遂絕至是峻分命將士要其行路室韋果至大破之擄其首帥而還因厚加恩禮放遣之室韋遂獻誠款朝貢不絕峻有力焉初茹茹主菴羅辰率其餘黨東徙峻度其必來預爲之備未幾菴羅辰到頓軍城西峻乃設奇伏大破之獲其名王郁久闊豆拔提等數十人送於京師菴羅辰於此遁走帝甚嘉之遷祕書監廢帝即位除洛州刺史河陽道行臺左丞皇建

中詔於洛州西界掘長堦三百里置城戍以防開謀河清元年徵拜祠部尚書詔詣晉陽檢校兵馬俄而還鄴轉太僕卿及車駕巡幸常與吏部尚書尉瑾輔皇太子諸親王同知後事仍賜食梁郡幹遷侍中除都官尚書及周師寇逼詔峻以本官與東安王婁叡武興王普等自鄴率衆赴河陽禦之車駕幸洛陽以懸瓠爲周人所據復詔峻爲南道行臺與婁叡率軍南討未至周師棄城走仍使慰輯未邳二州四年春還京師坐違格私度禁物并盜載軍糧有司依格處斬家口配沒特詔決鞭一百除名配甲坊獨其家口會赦免停廢私門天統二年授驃騎大將軍儀同三司尋加開府武平初除侍中四年卒贈司空公

傅伏

按北齊書本傳伏太安人也父元興儀同北蔚州刺史伏少從戎以戰功稍至開府永橋鎮民大都督周帝前攻河陰伏自橋夜渡入守中潭城南城陷被圍二旬不下救兵至周師還伏謂行臺乞伏貴和曰賊已疲弊願得精騎二千追擊之可捷也貴和弗許武

平六年除東雍州刺史會周兵來逼伏出戰却之周
勉晉州執獲行臺尉相貴以之招伏伏不從後主親
救晉州以伏爲行臺右僕射周軍來掠伏擊走之周
克并州遣韋孝寬與其子世寬來招伏伏曰并州已平
故遣公兒來報便宜急下授上大將軍武鄉郡開國
公卽給告身以金瑪瑙二酒鍾爲信伏不受謂孝寬

重位至領軍將軍恒檢校虞候事武平中車駕幸晉
陽每令敬顯督雷臺兵馬糾察盜賊京師肅然七年
從後主平陽敗歸并州與唐邕等推立安德王稱尊
號安德敗文帝羣官皆投周軍唯敬顯走還鄴授司
徒周武帝平鄴城之明日執敬顯斬於閭闔門外責
其不畱平陽也

曰事君有死無貳此兒爲臣不能竭忠爲子不能盡
孝人所讎疾願卽斬之以號令天下周帝自鄴還至
晉州遣高阿那肱等百餘人臨汾召伏伏出軍隔水
相見問至尊今在何處阿那肱曰已被捉獲別路入
關伏仰天大哭率衆入城於廳事前北面哀號良久
然後降周帝見之曰何不早下伏流涕而對曰臣三
世蒙齊家衣食被任如此革命不能自死羞見天地
周帝親執其手曰爲臣當若此朕平齊國唯見公一
人乃自食一羊肋以骨賜伏曰骨親肉疎所以相付
遂別引之與同食令於侍伯邑於侍伯邑字原本有說宿衛授
上儀同勅之曰若卽與公高官恐歸投者心動努力
好行無慮不富貴又問前救河陰得何官職伏曰蒙
一轉授特進末昌郡開國公周帝謂後主曰朕前三
年教習兵馬決意往取河陰正爲傳伏能守城不可
動是以收軍而退公當時賞授何其薄也賜伏金酒
卮後以爲岷州刺史尋卒

莫多婁敬顯

按北齊書莫多婁貸文傳貸文子敬顯強直勤幹少
以武力見知恒從斛律光征討數有戰功光每命敬
顯前驅安置營壘夜中巡察或達旦不睡臨敵置陳
亦令敬顯部分將士造次之間行伍整肅深爲光所

欽定古今圖書集成明倫彙編官常典

第四百八十一卷目錄

將帥部名臣列傳三十九

北周一

若千惠

王德

王盟

叱列伏龜

敬珍

王子直

泉企

任果

段永

劉亮

侯莫陳崇

王勵

宇文測

辛慶之

韋祐

楊乾運

楊敷

賀拔勝

官常典第四百八十一卷

將帥部名臣列傳三十九

北周一

若千惠

按周書本傳惠字惠保代郡武川人也其先與魏氏俱起以國為姓父樹利周從魏廣陽王深征葛榮戰沒贈冀州刺史惠年弱冠從爾朱榮征伐定河北破元顥以功拜中堅將軍復以別將從賀拔岳西征解岐州圍擒万俟醜奴平末洛定隴右每力戰有功封

北平縣男邑二百戶累遷鎮遠將軍都督直寢征西

將軍金紫光祿大夫及岳為侯莫陳悅所害惠與寇

洛趙貴等同謀翊戴太祖仍從平悅拜直閣將軍魏

孝武西遷除右衛將軍大都督進爵魏昌縣伯邑五

百戶出為北華州刺史加使持節驃騎將軍大統初

拜儀同三司進爵為公增邑五百戶從擒寶泰復弘

農破沙苑惠每先登陷陣加侍中開府進爵長樂郡

公增邑通前二千二百戶四年魏文帝東巡洛陽與

齊神武戰於河橋惠力戰破之大收降卒七年遷中

領軍及高仲密舉北豫州來附太祖帥師迎之軍至

洛陽齊神武於邙山將以邀我太祖乃徙輜重於瀍

曲夜勒兵襲之及戰惠為右軍與中軍大破之逐北

數里擄其步卒齊神武兵乃萃於左軍軍將趙貴等

與戰不利諸軍因之並退時會日暮齊神武兵屢來

攻惠惠擊之皆披靡至夜中齊神武騎復來追惠惠

徐乃下馬顧命尉人營食食訖謂左右曰長安死此

中死異乎乃建旗鳴角收諸敗軍而還齊神武追騎

憚惠疑有伏兵不敢逼至弘農見太祖陳賊形勢恨

其垂成之功覆于一篲於是歔歔不能自勝太祖壯

之尋拜秦州刺史未及之部遷司空惠性剛質有勇

力容貌魁岸善於撫御將士莫不懷思人思効節十

二年東魏將侯景侵冀州惠率兵擊走之明年景請

內附朝議欲收輯河南令惠以本官鎮魯陽以為聲

援遇疾薨於軍惠於諸將年最少早喪父事母以孝

聞太祖嘗造射堂新成與諸將宴射惠竊歎曰親老

矣何時辦此乎太祖聞之即日徙堂於惠宅其見重

如此及薨太祖為之流涕者久之惠喪至又臨撫焉

贈本官加秦州刺史諡曰武烈子鳳嗣

劉亮

按周書本傳亮中山人也本名道德祖祐連魏蔚州

刺史父持真鎮遠將軍領民酋長魏大統中以亮著

勳追贈車騎大將軍儀同三司恆州刺史亮少倜儻

有從橫計略姿貌魁傑見者憚之普泰初以都督從

賀拔岳西征解岐州圍擊侯伏侯元進万俟道洛万

俟醜奴宿勒明達及諸賊亮常先鋒陷陣以功拜大

都督封廣興縣子邑五百戶侯莫陳悅害岳亮與諸

將謀迎太祖悅平悅之黨幽州刺史孫定兒仍據州

不下涇秦靈等諸州悉與定兒相應眾至數萬推定

兒為主以拒義師太祖令亮襲之定兒以義兵猶遠

未為之備亮乃將二十騎先登懸於近城高嶺即馳

入城中定兒方置酒高會卒見亮至眾皆駭愕莫知

所為亮乃麾兵斬定兒縣首號令賊黨仍遙指城外

勸命二騎曰出追大軍賊黨恟懼一時降服於是諸

州羣賊皆即歸款及太祖置十二軍簡諸將以將之

亮領一軍每征討常與怡峰俱為騎將魏孝武西遷

以迎駕功除使持節右光祿大夫左大都督南秦州

刺史大統元年以復潼關功進位車騎大將軍儀同

三司改封饒陽縣伯邑五百戶尋加侍中從擒寶泰

復弘農及沙苑之役亮並力戰有功遷開府儀同三

司大都督進爵長廣郡公邑通前二千戶以母憂去

職居喪毀瘠太祖嗟其至性每愛惜之俄起復本官

亮以勇敢見知為時名將兼屢陳謀策多合機宜太

祖乃謂之曰卿文武兼資即孤之孔明也乃賜名亮

并賜姓侯莫陳氏十年出為東雍州刺史為政清淨

百姓安之在職三歲卒於州時年四十喪還京師太祖親臨之泣而謂人曰股肱喪矣腹心何寄令鴻臚卿監護喪事追贈太尉諡曰襄配享太祖廟庭

王德

按周書本傳德字天恩代郡武川人也少善騎射雖不經師訓而以孝悌見稱魏末安二年從爾朱榮討元顥攻河內應募先登以功除討夷將軍進爵內官縣子又從賀拔岳討万俟醜奴平之別封深澤縣男邑二百戶加龍驤將軍中散大夫及侯莫陳悅害岳德與寇洛等定議翊戴太祖加征西將軍金紫光祿大夫平涼郡守德雖不知書至於斷決處分良吏無以過也涇州所部五郡而德常為最及魏孝武西遷以奉迎功進封下博縣伯邑五百戶行東雍州事在州未幾百姓懷之賜姓烏丸氏大統元年拜衛將軍右光祿大夫進爵為公增邑一千戶加車騎大將軍儀同三司北雍州刺史其後常從太祖征伐累有戰功又從破齊神武於沙苑加開府侍中進爵河間郡公增邑通前二千七百戶先是河渭間種羌屢叛以德有威名為夷民所附除河州刺史德綏撫有方羣羌率服十三年授大都督原靈三州五原蒲川二鎮諸軍事十四年除涇州刺史卒於州諡曰獻德性厚重廉慎言行無擇母年幾百歲後德終

侯莫陳崇

按周書本傳崇字尚樂代郡武川人其先魏之別部居庫斛真水五世祖曰太骨都侯其後世為渠帥祖允以良家子鎮武川因家焉父興殿中將軍羽林監崇少驍勇善馳射謹慤少言年十五隨賀拔岳與爾

朱榮征葛榮又從元天穆討邢杲平之以功除建威將軍別從岳破元顥於洛陽還直寢後從岳入關破赤水蜀時万俟醜奴圍岐州遣其將李尉遲菩薩將兵向武功崇從岳力戰破之乘勝逐北解岐州圍又赴百里細川破賊帥侯伏元進柵醜奴率其餘衆奔高平崇與輕騎逐北至涇州長坑及之賊未成列崇單騎入賊中於馬上生擒醜奴於是大呼衆悉披靡莫敢當之後騎益集賊徒因悉逃散遂大破之岳以醜奴所乘馬及寶劍金帶賞崇除安北將軍大中大

大夫都督封臨涇縣侯邑八百戶及岳為侯莫陳悅所害崇與諸將同謀迎太祖太祖至軍原州刺史史歸猶為悅守太祖遣崇襲歸崇潛軍夜往輕將七騎直到城下餘衆皆伏於近路歸見騎少遂不設備崇即入據城門時李遠兄弟在城內先知崇來於是中外鼓噪伏兵悉起遂擒歸斬之以崇行原州事仍從平悅轉征西將軍又遣崇慰撫秦州別封廣武縣伯邑七百戶大統元年除涇州刺史加散騎常侍大都督進爵為公累遷車騎大將軍儀同三司驃騎大將軍開府儀同三司改封彭城郡公邑三千戶三年從擒竇泰復弘農破沙苑增邑二千戶四年從戰河橋崇功居多七年稽胡反崇率衆討平之尋除雍州刺史兼太子詹事十五年進位柱國大將軍轉少傅魏恭帝元年出為寧州刺史遷尚書令六官建拜大司空孝閔帝踐阼進封梁國公邑萬戶加太保歷太宗伯大司徒保定三年崇從高祖幸原州高祖夜還京師竊怪其故崇謂所親人常昇曰吾昔聞上策者言晉公今年不利車駕今忽夜還不過是晉公死耳於

是衆皆傳之或有發其事者高祖召諸公卿於大德殿責崇崇惶恐謝罪其夜護遣使將兵就崇宅逼令自殺禮葬如常儀諡曰躁護誅後改諡曰莊閑

王盟

按周書本傳盟字子什明德皇后之兄也其先樂浪人六世祖波前燕太宰祖珍魏黃門侍郎贈并州刺史樂浪公父熙伏波將軍以良家子鎮武川因家焉魏正光中破六汗拔陵攻陷諸鎮盟亦為其所擁拔陵破後流寓中山孝昌初除積射將軍從蕭寶貴西征寶貴僭逆盟遂逃匿民間以觀其變及爾朱天光入關盟出從之隨賀拔岳為前鋒擒万俟醜奴平秦隴常先登力戰拜征西將軍平秦郡守太祖將討侯莫陳悅徵盟赴原州以為留後大都督鎮高平悅平除原州刺史魏孝武至長安封魏昌縣公邑一千戶大統初復加車騎大將軍儀同三司二年徵拜司空尋轉司徒迎魏文帝悼后干茹茹加侍中遷太尉魏文帝東征以留後大都督行雍州事節度關中諸軍趙青雀之亂盟與開府李虎輔魏太子出頓渭北事平進爵長樂郡公增邑并前二千戶賜姓拓王氏東魏侵汾川圍玉壁盟以左軍大都督守蒲坂軍還遷太保九年進位太傅加開府儀同三司盟姿度弘雅仁而汎愛雖位居師傅禮冠羣后而謙恭自處未嘗以勢位驕人魏文帝甚尊重之及有疾數幸其第親問所欲其見禮如此大統十一年薨贈本官諡曰孝定

王勵

按周書王盟傳盟子勵字醜與性忠果有才幹年十

七從太祖入關及太祖平秦隴定關中廟常侍從太祖嘗謂之曰為將坐見成敗者上也被堅執銳者次也廟曰意欲兼之太祖大笑尋拜平東將軍散騎常侍賜爵梁甫縣公大統初為千牛備身直長領左右出入臥內小心謹肅魏文帝嘗曰王廟可謂不二心之臣也沙苑之役勛以都督領禁兵從太祖廟居左翼與帳下數十人用短兵接戰當其前者死傷甚衆廟亦被傷重遂卒於行間時年二十六太祖深悼焉贈使持節太尉領尚書令十州諸軍事雍州刺史追封咸陽郡公諡曰忠武

叱列伏龜

按周書本傳龜字摩頭陁代郡西部人也世為部落大人魏初入附遂世為第一領民會長至龜容貌瑰偉腰帶十圍進止詳雅兼有武藝嗣父業復為領民會長魏正光五年廣陽王深北征請龜為寧朔將軍委以帳內兵事尋除善無郡守孝昌三年又除別將從長孫稚西征以戰功累遷征西將軍金紫光祿大夫後還洛授都督遂為齊神武所寵任加授大都督沙苑之敗隨例來降太祖以其豪門解縛禮之仍以邵惠公女妻之大統四年封長樂縣公邑一千戶自此常從太祖征討亟有戰功八年出為北雍州刺史加大都督尋進位車騎大將軍儀同三司散騎常侍十四年徵拜侍中加驍騎大將軍開府儀同三司除恆州刺史增邑通前一千四百戶十七年卒子椿嗣

宇文測

按周書本傳測字澄鏡太祖之族子也高祖中山曾祖豆頰祖駙父末仕魏位並顯達測性沈密少篇

學每旬月不窺戶屨起家奉朝請殿中侍御史累遷司徒右長史安東將軍尚宣武女陽平公主拜駙馬都尉及魏孝武疑齊神武有異圖詔測詣太祖言令密為之備太祖見之甚歡使還封廣川縣伯邑五百戶尋從孝武西遷進爵為公太祖為丞相以測為右長史軍國政事多委任之又令測詳定宗室昭穆遠近附於屬籍除通直散騎常侍黃門侍郎大統四年拜侍中長史六年坐事免尋除使持節驍騎大將軍開府儀同三司大都督行汾州事測政存簡惠頗得民和地接東魏魏相鈔竊或有獲其為寇者多縛送之測皆命解縛置之賓館然後引與相見如客禮焉仍設酒餽宴勞放還其國并給糧餼衛送出境自是東魏人大慚乃不為寇汾晉之間各安其業兩界之民遂通慶弔不復為仇讎矣時論稱之方於羊叔子或有告測與外境交通懷貳心者太祖怒曰測為我安邊吾知其無貳志何為問我骨肉生此貝錦乃命斬之仍許測以便宜從事八年加金紫光祿大夫轉行綏州事每歲河冰合後突厥即來寇掠先是常預遣居民入城堡以避之測至皆令安堵如舊乃於要路數百處並多積柴仍遠斥候知其動靜是年十二月突厥從連谷入寇去界數十里測命積柴之處一時縱火突厥謂有大軍至懼而遁走自相蹂踐委棄雜畜及輜重不可勝數測徐率所部收之分給百姓自是突厥不敢復至測因請置戍兵以備之十年徵拜太子少保十二年十月卒於位時年五十八太祖傷悼親臨慟焉仍令水池公護監護喪事贈本官諡曰靖測性仁恕好施與衣食之外家無蓄積在洛陽

之日曾被竊盜所失物即其妻陽平公主之衣服也州縣擒盜并物俱獲測恐此盜坐之以死乃不認焉遂遇赦得免盜既感恩因請為測左右及測從魏孝武西遷事極狼狽此人亦從測入關竟無異志子該嗣

敬珍

按周書薛善傳珍字國寶河東蒲坂人漢揚州刺史部之十世孫父伯樂州主簿安邑令珍偉容儀有氣俠學業騎射俱為當時所稱祥即珍從祖兄也亦慷慨有大志唯以交結英豪為務珍與之深相友愛每同遊處及齊神武趨沙苑珍謂祥曰高歡迫逐乘輿播遷關右有識之士孰不欲推刃於其腹中但力未能制耳今復稱兵內侮將逞凶逆此誠志士効命之日當與兄圖之祥聞其言甚悅曰計將安出珍曰宇文丞相寬仁大度有霸王之略挾天子而令諸侯已數年矣觀其政刑備舉將士用命歡雖有衆固非其偽况逆順殊將不戰而自潰矣我若招集義勇斷其歸路藏誠凶徒使隻輪不反非直雪朝廷之恥亦壯士封侯之業祥深然之遂與同郡豪右張小白樊昭賢王元略等舉兵數日之中衆至萬餘將襲歡後軍兵未進而齊神武已敗珍與祥邀之多所剋復及李弼軍至河東珍與小白等率騎兵南解北解安邑溫泉虞鄉等六縣戶十餘萬歸附太祖嘉之即拜珍平陽太守領水軍防主祥龍驤將軍行臺郎中領相里防主並賜鼓吹以寵異之太祖仍執珍手曰國家有河東之地者卿兄弟之力還以此地付卿我無東顧之憂矣久之遷絳州刺史以疾死卒於家

辛慶之

按周書本傳慶之字慶之隴西狄道人也世爲隴右著姓父顯崇馮翊郡守贈雍州刺史慶之少以文學徵詣洛陽對策第一除祕書郎屬爾朱氏作亂魏孝莊帝令司空楊津爲北道行臺節度山東諸軍以討之津啓慶之爲行臺左丞典參謀議至鄴聞孝莊帝暴崩遂出兗冀間謀結義徒以起國難尋而節閔帝立乃還洛陽普泰二年遷平北將軍大中大夫及賀拔岳爲行臺復啓慶之爲行臺吏部郎中開府掾尋除雍州別駕大統初加車騎將軍俄遷衛大將軍左光祿大夫後太祖東討爲行臺左丞時初復河東以本官兼鹽池都將四年東魏攻正平郡陷之遂欲經略鹽池慶之守禦有備乃引軍退河橋之役大軍不利河北守令棄城走慶之獨因鹽池抗拒彊敵時論稱其仁勇六年行河東郡事九年入爲丞相府右長史兼給事黃門侍郎除度支尙書復行河東郡事遷通直散騎常侍南荊州刺史加儀同三司慶之位遇雖隆而率性儉素車馬衣服亦不尚華侈志量淹和有儒者風度特爲當時所重又以其經明行修令與盧誕等教授諸王魏廢帝二年拜祕書監尋卒於位

王子直

按周書本傳子直字孝正京兆杜陵人也世爲郡右族父琳州主簿東雍州長史子直性節儉有幹能魏正光中州辟主簿起家奉朝請除太尉府水曹行參軍加明威將軍時梁人圍壽春臨淮王元盛率軍赴援子直以本官參戎軍事與梁人戰斬其軍主夏侯景超梁人乃退淮南民庶因兵寇之後猶聚爲盜或

令子直招撫之旬日之間咸來復業自合肥以北安堵如舊未安初拜員外散騎常侍鴻臚少卿普泰初進後軍將軍大中大夫賀拔岳入關以子直爲開府主簿遷行臺郎中魏孝武西遷封山北縣男邑二百戶大統初漢熾屠各阻兵於南山與隴東屠各共爲唇齒太祖令子直率涇州步騎五千討破之南山平太祖嘉之賜書勞問除尙書左外兵郎中三年進車騎將軍兼中書舍人四年從太祖解洛陽圍經河橋戰兼尙書左丞出爲秦州總管府司馬時涼州刺史宇文仲和據州逆命子直從隴右大都督獨孤信討平之復入爲大行臺郎中兼丞相府記室吐谷渾寇西平以子直兼尙書兵部郎中出隴右經略之大破渾衆於長鞏川渾賊遁走十五年進車騎將軍左光祿大夫除太子中庶子領齊王友尋行馮翊郡事十六年魏齊王廓出牧秦隴復以子直爲秦州別駕仍領王友隨陸初平授安州長史領別駕加帥都督轉并州長史魏廢帝元年拜使持節大都督行瓜州事子直性清靜務以德政化民西土悅附魏恭帝初徵拜黃門侍郎卒於位

韋祐

按周書本傳祐字法保京兆山北人也少以字行於世世爲州郡著姓祖駢雍州主簿舉秀才拜中書博士父義前將軍上洛郡守魏大統時以法保著勳追贈秦州刺史法保少好游俠而質直少言所與交遊皆輕猾亡命人有急難投之者多保存之雖屢被追捕終不改其操父沒事母兄以孝敬聞慕李長壽之爲人遂娶長壽女因寓居關南正光末四方雲擾王

公被難者或依之多得全濟以此爲貴遊所德乃拜員外散騎侍郎加輕車將軍及魏孝武西遷法保從山南赴行在所除右將軍大中大夫封固安縣男邑二百戶及長壽被害其子延孫收長壽餘衆守禦東境朝廷恐延孫兵少不能自固乃除法保東洛州刺史配兵數百人以援延孫法保至潼關弘農郡守韋孝寬謂法保曰恐于此役難以吉還也法保曰古人稱不入虎穴不得虎子安危之事未可預量縱爲國殞身亦非所恨遂倍道兼行東魏陝州刺史劉貴以步騎千餘邀之法保命所部爲圓陣且戰且前數日得與延孫兵接乃并勢置柵於伏流未幾太祖追法保與延孫率衆還朝賞勞甚厚乃授法保大都督四年除河南尹及延孫被害法保乃率所部據延孫舊柵頻與敵人交兵每身先士卒單馬陷陣是以戰必被傷嘗至關南與東魏人戰流矢中頸從口中出當時氣絕與至營久之乃蘇九年拜車騎大將軍儀同三司鎮九曲城及侯景以豫州來附法保率兵赴景景欲留之法保疑其有貳心乃固辭還所鎮十五年加驃騎大將軍開府儀同三司尋進爵爲公會東魏遣軍送糧饋宜陽法保潛邀之轉戰數十里兵少不敵爲流矢所中卒於陣諡曰莊子初嗣

泉企

按周書本傳企字思道上洛豐陽人也世雄商洛會祖景言魏建節將軍假宜陽郡守世襲本縣令封丹水侯父安志復爲建節將軍宜陽郡守領本縣令降爵爲伯企九歲喪父哀毀類於成人服闋襲爵年十二鄉人皇平陳合等三百餘人詣州請企爲縣令州

爲申上時吏部尚書郭祚以企年少未堪宰民請別選遣終此一限令企代之魏宣武帝詔曰企向成立且爲本鄉所樂何爲捨此世襲更求一限遂依所請企雖童幼而好學恬靜百姓安之尋以母憂去職縣中父老復表請殷勤詔許之起復本任加討寇將軍孝昌初又加龍驤將軍假節防洛州別將尋除上洛郡守及蕭寶夤反遣其黨郭子恢襲據潼關企率鄉兵三千人拒之連戰數日子弟死者二十許人遂大破子恢以功拜征南將軍寶夤又遣兵萬人趣青泥誘動巴人圖取上洛上洛豪族泉杜二姓密應之企與刺史董紹宗潛兵掩襲二姓散走寶夤軍亦退還左將軍浙州刺史別封涇陽縣伯邑五百戶永安中梁將王元真入寇荊州加企持節都督率衆援之遇元真於順陽與戰大破之除撫軍將軍使持節假鎮南將軍東雍州刺史進爵爲侯部民楊羊皮太保椿之從弟特託椿勢侵害百姓守宰多被其凌侮皆畏而不敢言企收而治之將加極法於是楊氏慚懼宗族詣關請思自此豪右屏迹無敢犯者性又清約纖毫不擾於民在州五年每於鄉里運米以自給梁魏與郡與洛州接壤表請與屬詔企爲行臺尚書以撫納之大行臺賀拔岳以企昔佐東雍爲吏民所懷乃表企復爲刺史詔許之蜀民張國傳聚黨剽劫州郡不能制企命收而戮之闔境清肅魏孝武初加車騎大將軍左光祿大夫及齊神武專政魏帝有西顧之心欲委企以山南之事乃除洛州刺史當州都督未幾帝西遷齊神武率衆至潼關企遣其子元禮督鄉里五千人北出大谷以禦之齊神武不敢進上洛人

都督泉岳其弟猛略與拒陽人杜雷等謀翻洛州以應東軍企知之殺岳及猛略等傳首詣關而雷亡投東魏錄前後勅授車騎大將軍儀同三司大統初加開府儀同三司兼尚書右僕射進爵上洛郡公贈邑通前千戶企志尚廉慎每除一官憂見顏色至是頻讓魏帝手詔不許三年高敖曹率衆圍邕州城杜雷爲其鄉導企拒守旬餘矢盡援絕城乃陷焉企謂敖曹曰泉企力屈志不服也及寶泰被擒敖曹退走遂執企而東以宿爲刺史企臨發密誡子元禮仲遵曰吾生平志願不過令長耳幸逢聖運位亞台司今爵祿既隆年齒又暮前途夷險抑亦可知汝等志業方彊堪立功効且忠孝之道不可兩全宜各爲身計勿相隨寇手但得汝等致力本朝吾無餘恨不得以我在東遂虧臣節也爾其勉之乃揮涕而訣餘無所言聞者莫不情歎歎卒於鄴

楊乾運

按周書本傳乾運字元邁儻城興勢人也爲方隅豪族父天興齊安康郡守乾運少雄武爲鄉閭所信服弱冠州辟主簿孝昌初除宣威將軍奉朝請尋爲本州治中轉別駕除安康郡守大統初梁州民皇甫圖姜晏聚衆南叛梁將蘭欽率兵應接之於是漢中遂陷乾運亦入梁梁大同元年除驍武將軍西益潼刺史尋轉信武將軍黎州刺史太清末遷潼南梁三州刺史加鼓吹一部及達奚武圖南鄭武陵王蕭紀遣乾運率兵援之爲武所敗紀時已稱尊號以乾運威服巴渝欲委方面之任乃拜車騎將軍十三州諸軍事梁州刺史鎮潼州封萬春縣公邑四千戶時紀與

其兄湘東王繹爭帝遂連兵不息乾運兄子略說乾運曰自侯景逆亂江左沸騰今大賊初平生民離散理宜同心戮力保國寧民今乃兄弟親尋取敗之道也可謂朽木不雕世衰難佐古人有言危邦不入亂邦不居又云見機而作不俟終日今若適彼樂土送款關中必當功名兩全貽慶於後乾運深然之乃令略將二千人鎮劍閣又遣其婿梁廣鎮安州仍詔略等曰吾欲歸附關中但未有由耳若有使來即宜盡禮迎接會太祖令乾運孫法洛及使人牛伯友等至略即夜送乾運乃令人李若等入關送款太祖乃密賜乾運鐵券授使持節驃騎大將軍開府儀同三司侍中梁州刺史安康郡公及尉遲迴令開府侯呂陵始爲前軍至劍南略即退就樂廣謀欲翻城恐其軍將任電等不同先執之然後出城見始乃入據安州令廣略等往報乾運乾運遂降迴因此進軍成都數旬尅之魏廢帝三年乾運至京師太祖嘉其忠款禮遇隆渥尋卒於長安贈本官加直巴集三州刺史尚書右僕射

任果

按周書本傳果字靜鸞南安人也世爲方隅豪族仕於江左祖安東梁益州別駕新巴郡守閬中伯父褒龍驤將軍新巴南安廣漢三郡守沙州刺史新巴縣公果性勇決志在立功魏廢帝元年率所部來附太祖嘉其遠至待以優禮果因面陳取蜀之策太祖深納之乃授使持節車騎大將軍儀同三司大都督散騎常侍沙州刺史南安縣公邑一千戶及尉遲迴伐蜀果時在京師乃遣其弟岱及子懷從軍太祖以益